

رمضان فؤاد السيد وفا

تحويثة العمر

أشعار

طبعة أولى إبريل 2019



رمضان فؤاد السيد وفا

بطاقة الكتاب

مسابقة شاعر / أديب النيل والفرات

الدورة الرابعة - إبريل 2019

الكتاب الفائز بالمركز الثاني

شعر العامية المصرية



عنوان المؤلف	تحويشة العمر
المؤلف	رمضان فؤاد السيد وفا
التصنيف	شعر
رقم الإيداع القانوني	8205 - 2019
رقم الإصدار الداخلي	388 الطبعة الأولى إبريل 2019
عدد الصفحات	100 صفحة

جميع حقوق الطبع والنشر محفوظة للمؤلف، ولا يحق لأى دار نشر طبع ونشر وتوزيع الكتاب أو ترجمته أو الاقتباس منه أو نشره على النت الا بموافقة كتابية وموثقة من المؤلف

مؤسسة النيل والفرات للطبع والنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجى عبد المنعم



رخصة مزاولة مهنة: 58365 - سجل تجاري: - 2017 / 13242 - بطاقة ضريبية: 01-35-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 طيفاكس: 020554372901

النيل والفرات nagyegy200064@gmail.com

alnilewaalfourat@gmail.com

المقر الرئيسي: ج.م.ع. محافظة الشرقية - العاشر من رمضان - مجاورة 13 - امام سنتر الـ13 - عقار 304

م مش كل شئ يتقال

ولا أي شئ يتحس	م مش كل شئ يتقال
والعين عليه تبص	ولا كل شئ يتشاف
يعرف معاني الحس	ولا كل من قال آه
كان له ف حياتي النص	وإلي كواني يا ناس
وسقاني هم ويأس	شرب المحبة حماس
وأحفظله معنى النص	بأكتبله ف الكراس
يدهس ويمشي وبس	وعملت خدي مداس
يطلع يطول الشمس	ورميتله زندي أساس
وطني عزيز النفس	عارفين ده مين يا ناس

نشرت بجريدة حماية المستهلك العدد 16 نوفمبر 1993 م
نشرت بجريدة الحوار 8 مارس 1995

إعتراف

يا دمة محبة	ياضحكة أنين
نلف ف دواير	نزوغ ف السنين
ونفضل نحايل	نطاطي نمايل
ونشهد لقاتل	بسمة تفاول
تنشف بحورنا	تعطش عيالنا
نقول إحنا ماننا	نحي بهبلنا
وتطلع عيلتنا	ترفع رايتنا
تحبي بهيافة	سبب علتته
البيه دا ف يوم	حينطق بصوتنا
ينادي يعافر	يدوس بالحوافر
وأتاريه يا حزني	بيقبض حوافز

ويخفق في صوتنا

نشرت بالصناعة والاقتصاد نوفمبر 1994 م

مال الناس

مال الناس كناس م يسيب ولا قشة

أرجوك تكون حساس لو تسكن العشة

إوعاك تخون الأمانة لو كنت ف الشدة

ربك يزيدك قناعة في العيشة والفرشة

تدوم عليك صحتك لو لقمة بالمشة

وإطرح سؤال الغلط علي نفسك الأول

لو ترضي فيك يتغلط إبقي إبتدي الأول

وإوصل حبال الأدب مع جارك الأول

إوعي حبال الغضب من إيدك تطول

وإن كان ف قلبك عتب إبقي إبتدي الأول

الرجولة

عصر الرجولة إنتهى	أصل الرجولة مقام
مش منظره ومنجها	وجاكتة ليها كمام
صبحت كلاب سعرانه	تنهش ما ليها لجام
أبو كرسي طار ف السما	فوق الخلايق نام
يقفل بيوت بالقلم	والفتح قولى بكام
والكلمة بالطوابير	ويقولها ميت خدام
والمسألة معضلة	والحل ميت فدان
وإلى معاه قرشين	جاهل أصول دينه
بايت يا ناس تخمان	وما يرضي بقليله
بياع ف خلق الله	ويذل ف عبيده

شوفوا معايا

يا عيون بتخاف م النور وتعيش في ضلام الليل مدفونة

يا قلوب بتخاف من الحب وتنام ف عيون الويل مسجونة

يا بحر ضياع مليان أوجاع

يا دماغ تعبانة ماسكها صداع

يا حيطان صدمانة رخيص تنباع

يا غيطان عطشانة ناقصها دراع

خطوا مرايا واقفوا عرايا

شوفوا أعمالكو شوفوا معايا

شوفوا مين غيركم قصص طيركم

يهنله خيركم لو يحرمكم

اجمعوا صفكوا تعرفوا إنكوا

لعبة خفيفة ف إيد خواجهات

خطوا أمثله وكمان أسئلة

وعليكم بقي إنتوا الإجابات

مشكلتي

مشكلتي إني بحبك حب عايش ف الوجدان
حب فاهم حب ناضج حب ميعرفشي الأوهام
حب بينده حب بيخطف نكل لمحة من الأجفان
حب يا مصر بيملي حياتي بيدوبني ف الأحزان
وأنا إبنك عايش بيكي عايش فيكي ف بر آمان
ميخلصني أبداً أشوفك كل واحد ينهش فيكي من الأقرام
لو أتكلم تبقي إتقلبت كل حياتي وأصبح إسمي في النسيان
حتى لو أسكت يصرخ صوتك ويصحيني من الأحلام
نفسي يا ولدي أفضل أكبر وأحمي أولادي من الطوفان

وهم وخوف

متفريش الواد بحاضر	نصه وهم ونصه خوف
لسه الليالي مضلمة	لسه الأمانى معتمة
ومصيرنا باين ع الكفوف	نصه وهم ونصه خوف
بعترى الأيام ولمي	حركى جوايا همى
أول المشوار عذاب	إيه آخرة المشوار يا أمى
شدى حيلك صبريني	شده وتزول بس همى
متلفيش ف الهوى	متبعترىش لاصحاب
متكبريش ف الزعل	متغربيش لاحباب
متذوديش ف الضنا	وتلفى ع لابواب
متذوقيش ف الأمل	متلونيش لاعتاب
لسة الليالي مضلمة	لسة الأمانى معتمة
ومصيرنا باين ع الكفوف	نصه وهم ونصه خوف

كان نفسي أكون

معرفتش أكون	كان نفسي أكون
مع ناس تتلون	ف زمن مجنون
غير كلمة رقيقة	يجي ميت لون
كان نفسي أكون	وقلب حنون
فاهم تنظيم	كان نفسي أكون
قيمة التعليم	والناس تعرف
على درس عظيم	ومدرس نام
وأبني ف عمارات	وأقول لك هات
يا واد قدام	وتقعد ف الفصل
لو تفهم لام	ف البيت نشرح
وحبة نام	نضحك حبة
بيعدي العام	ولو مفهمتش
خليك مركون	بيعدي يقول
معرفتش أكون	كان نفسي أكون

من دنيا الحب	كان نفسي أكون
مش مشروع طب	من جوة القلب
من دم القلب	للي بيدفع
يغرق يندب	وإللي معهوش
الواد ينكب	وإللي بتولد
مطرح ما يدب	ف البيت ف الغيط
دكتوراه شيلاه	لو تدفع آه
أمه عرفاه	وسرير مراجيح
العين شيفاه	ودولار مدفوع
لا بس ببيون	العين شيفاه
معرفتش أكون	كان نفسي أكون
كل المشاريع	كان نفسي أبيع
تربح وتضيع	تحتاج ترقيع
مفطوم تصنيع	وأنا لسه رضيع
مستور يا بديع	خلي الطابق

هو الشايف	ربك عارف
وخلقتي صريح	وبصير وشهيد
عايش ورهين	ولساني مريح
حلها باللون	حل المواضيع
معرفتش أكون	كان نفسي أكون
معرفتش أكون	كان نفسي أكون
قلب المدفع	كان نفسي أدفع
يفخت يققع	يخبط يزرع
إللي بيرضع	عين الضفدع
وإللي بيركع	عرق المجدع
ولا يتشفع	للي ما ينفع
على ناس نايمة	وبيتقمع
لسة بتحبي	لسة بترضع
ويعيش مانون	وتمدغ أفيون
معرفتش أكون	كان نفسي أكون

وأرضى الأحلام	معرفة تش أنام
ما نافع له صيام	والقلب إن نام
نايم جوعان	صاحي عطشان
شبعانة أدان	وديوك الليل
وشعار تفليس	تفرح وتهيص
علي طول تدبيس	وإلي يعارض
ف السجن تعيش	تجى م تجيش
وعماها ملعون	وعيون عمية

معرفة تش أكون	كان نفسي أكون
لنفسى مكان	كان نفسي ألقى
وف أي زمان	ف أي مكان
وأقف ف الدور	وألف وأدور
وأبات مكسور	وأسكت وأثور
أكون خواف	وف كل طواف

وأنام وأتلف
وألاقي الوقت
والليل مسكون
كان نفسي أكون
ف ألف لحاف
جبان خواف
عفريت مجنون
معرفتش أكون

معرفتش أقص
أصل أنا وسطي
وعيونى رافضة
حتى المعنى
ف أغاني هابطة
بتربى الوش
أصل أنا رافض
قلمي عاشق
قلمي فقري
كان نفسي أكون
حزام النص
رافض يرقص
لللهس تبص
رافض يترص
معناها الغش
مكشوف الوش
للى بيندش
لمعون المش
فقري بجنون
معرفتش أكون

ولا أطيق اللوم	معرفتش أعم
ما فرحت يوم	والناس مجروحة
طريق مرسوم	أصبح للحزن
ف كتاب ملموم	محسوب مدروس
ليل ونهار	مفتوح ع الآخر
الواد ينهار	معروف إزاي
أو يعرف زق	لو ينطق لأ
كلمة حق	أو يتكلم
بنهاره أسود	يدخل ضلمة
أسود ميمون	وبليل أسود
معرفتش أكون	كان نفسي أكون
علي بنت الدار	معرفتش أغار
وأقول زوار	ولا أقفل بابي
الوسط إزاي	ماشية بتهز
والرايح جاي	علي طبله وناي

والبيت إنهار	والشوق دوار
عقل الزوار	علي موضة وطار
والليل مدهون	ريحة برفان
معرفتش أكون	كان نفسي أكون
ف زمن م يجيش	معرفتش أعيش
منتوف الريش	منه غير طير
عايش تهبش	زمن الصلوك
والعقل يطيش	يخطف ويطير
يعيش ويهيص	ويطلع برة
مفهوش تفيش	أصل الجمرك
تحت الطرابيش	وبدره تخش
ف بنوك دروايش	وعمله تطيرف
حبة حرافيش	والباقي محروم
وإمتى تقوم	حرافيش بتزوم
معرفتش أكون	كان نفسي أكون

كلمة بريئة	كان نفسي أكون
ف ساعة الضيقة	أو تنهيدة
ف وش الظالم	وقفة جريئة
كلمة تدور	همسة تغير
تبقى صديقة	عن شئ تايه
تولع قلبه	تبقى حريقة
يكون فرعون	إللي ميعرفشي
معرفتش أكون	كان نفسي أكون
عنوان صالح	كان نفسي أكون
وكلامى طارح	لزمنا فالح
وفرح إمبارح	ضحكة وبسمة
فاهم ناجح	وعقلى الراجح
أهلى وناسى	دايماً مادح
دايماً رابح	وبلدى ووطنى
بايت صابح	عاشق ناصح

مع حق غريق
مهزوم سايح
كان نفسي أكون
مهزوم رايح
تايه ف الكون
معرفتش أكون

كان نفسي أكون
إللي يباشر
دايماً حاشر
أصل البايع
دايماً ينده
نقرا وندفع
جنب المذياع
نفس الفاشل
كان نفسي أكون
معرفتش أبان
مع إني كمان
سيف يتشاطر
عمل الناشر
حشوه الفاشل
بياع شاطر
جايلك حاضر
وننسى ونرجع
نسمع فاشر
لكن ف صالون
معرفتش أكون
وسط الغزلان
عاشق ولهان

إصول توهان	لكن للعشق
ومليش دكان	أما أنا فلاح
عود التفاح	أرضي بتطرح
بشعار إصلاح	لكن لماح
صاحبه مرتاح	مكن المية
قتال دباح	مستورد سفاح
تايه سواح	وإبن الزرعة
وبناته تايهين	وعياله مساكين
تايه مسكين	طول عمره حزين
يحلم بآمون	من ألف صباح
معرفتش أكون	كان نفسي أكون

دموع الود	معرفتش أعد
كان عندي الرد	مع إني زمان

وكنت أعرف	بالخطوة أمد
وكان ف كلامي	الرد بجد
وقد القول	وقد القد
وعايش الحب	وحاسس الود
وأكل فول	وعارف الاصول
وفاهم الحق	وأعرف أحق
وشايف الطول	وشايف العرض
وكنت أقدر	أبني وأهد
وألف حزامي	الصلب وأشد
معرفشي إزاي	الواد إنهد
وهويس المية	إزاي إنسد
لكن يظهر	إن المظهر
هو الفاهم	لأصول العد
أتاربه يعرف	ف العد ظنون
كان نفسي أكون	معرفتش أكون

بحبك

بحبك حب خلاني
أحب الدنيا وأسامح
وحبك طيف كما النسمة
كنسمة بحرنا المالح
وعهد علي يا حبيبة
لأحبك بكرة وإمبارح
وأنا ليكي أخاصم
وبيكي تاني أتصالح
منيش كداب ولا خوان
ولا نسياني لياليكي
ولا فكرت ف مرة
أهادن يوم مُنافسيكي
ولا وهابي خيبان
أبيع وأشتري فيكي

ولا إخواني مُتأسلم
أنشر فكر بيضرك
فكر صحراوي متخلف
كل هدفه يوم هدمك
ولا لبرالي مُتلعسم
ولا إعلامي مُتفلسف
أحابي حزب مُتعفن
عائش عمره يخزيكي
أنا بلدي أبو الجدعان
وكتفي زاد يكفيكي
وكتفي الثاني يرويكي
وأنا ليكي يا قوت صافي
مهوش طافي على الميّه
لا عمري ف يوم هـ أكون سمكة
ولقمة هنية مرمية

على شطوط العذاب فايزة
تغدي يوم أعادبكي
ودمي عطر يشفيكي
وأنا عاهد على إيديكي
شطوط الناس مراكبية
أنا فاكِر أنا عارف
حدودك مية ف المية
أنا واقف أنا حارس
حدود الود بعنية
أنا فارس أنا شاهر
وسيفي لوحده بالمية
بحبك لقمة على جوعة
بشعرة ملح أبو شطة
وأنا واقف على سقالتى
ف عزالحر ف الشمسة

وتحت النار
فوق النار
وف عرقي أزرعك وردة
ولجلك إنتي أتحمل
ولجلك إنتي راح أكمل
أدوس الدنيا وأشيلك
وأخطي بحوروصحاري
وأوصل بيكي مشواري
وأبنيكي على إيدية
وأضم عمرى ف عماري
لحد م توصلي نهايتي
وأسلم إبنى لبدايتي
وأقول يا ولدي روح كمل
وأقول يا ولدي شيل حمل
لحد م توصلي القمة

وإوعي يا حلوة يوم تنسي
عامل عرقه كان شمة
بنا هرمك بنا سدك
بنا برجك بنا مجدك
حفر قنالك وأمها
وربي ولادك وعلمها
وكتب جوة أجيالك
بدمه كتب إسمك
وإبتسامتك بترضيه
وهواكي كان يشفيه
وأخر كل أماله
كان يبنكي وبهمة
بحبك شال وتربيعة
وبنتي الحلوة لبساهم
بضحكة جميلة مُحْتَشَمَة

وقصّة لذيذة مع وشمة
وأُم بتعلمها الادب
من غير غرور ولا غضب
بحبك لعبة ف الفسحة
بحبك مريلة وشنطة
وأبلة جميلة مُبتسمة
متفرقشي بين الاولاد
أُم واحدة وأب واحد
ورب واحد خلق العباد
غني فقير وزير غفير
كلنا لادم وأدم من تراب
بحبك رسمة أو كلمة
تعلمني حروف ديني
بحبك خطبة أو غنوة
بسماحة وحب تهديني

بحب حب متأصل
ونابع من تكاويني
مهوش يا حبيبتني متصنع
ولا مغشوش كما سنيني
بحبك حب بأرتاحله ويرتاحلي
وبأفتحله ببيان قلبي ويفتحلي
ببيان خيرك ويندهلي
وتطرح فرحتي وردة
وتوب أخضر بيتعطر
ليوم الضحكة والفرحة
ليوم م تبقي مرتاحة
ورحراة حواليا
وأنا يا حبيبتني سهرانك
ف بحر الحب أحسبك
وأصدقك وأكذبك

ويوم الحرب أكون غول
أدوس الصعب من أجلك
ويوم السلم أكون بلسم
ألون ميتك حنة
بحبك بيت علي ترعة
وبطة نازلة بتلبط
بحبك حب متشعبط
ف خوص النخل بيغي
وشوية شاي على العتبة
وكل حبايبي حواليا
ف أفراحي يشاركوني
وأحزاني يعزوني
لو أنجح يهنوني
ولو أغلظ يحاسبوني
بحبك ناس يبكوني

ويبكوا معايا على همي
بحبك قد م بحبك
بكل الحب يا أمي
بحبك وردة على عودها
ف صبح أخضر بيندهلي
أبوس الوردة في خدودها
وهي تبوسني في خدي
وأشبك إيدي في شوكةها
وتطرح شبكتي مهرة
ودمي يروي ف جذورها
وتفرش أرضي بالخضرة
ولما حبنا يكبر
أدبق عمري وياها
تشيل الحمل جواها
وتطوي الأرض بخطاها

تلون عيني ف سماها
وتولد تاني ف رباها
شعب جميل ومتبسّم
بيضحك مهما يتألم
عالم ويبعلم
والدنيا منه تتعلم
وبيسلم أمره لله
وعلى كل الخلق بيسلم
رجال سمرة
عيون حرة
وليها زند متلون
بلون الفحت ف الصخرة
بلون المية والطمية
بلون الورد والحنة
صعيدي ومن قبلي

أشيل الدنيا فوق كتفي
أعدّها
وأبنيها وأعمرها
وعمارك ندر ف إيدية
شرقاوي ومن بحري
شهم كريم ومتهني
أزرعك وأرويلك
وزرعى وطرحى ملاغية
سويسى وإسمعلاوي
بورسعدي وبنبوطى
أضم شبكى ف خيوطى
عايش عمرى ف المية
إسكندراني وبحيري
وعروس البحر عرفاني
دمياطي ورشيدي

جهازك ناقشه بإيدية
سناوي وعرايشي
وأرضي أفديها بعنية
نوبي وشلاتيني
وبيتي ف أرض مصرية
مصرى أنا المصرى
وشايل عمرى على كفى
أنا فاكر أنا عارف
حدودك مية ف المية
أنا واقف أنا حارس
حدود الود بعنية
أنا فارس أنا شاهر
وسيفي لوحده بالمية
بحبك

من فوق حصان الوجع

من فوق حصان الوجع

أقع وأركب وأقع

مراجيح الدنيا بحالها

بالطول والعرض وبس

ومرجيحتي أنا لوحدي

من فوق لتحت وهس

من فوق لتحت

وتخت المياتم عزف

آخرنفس ف الصوت الهش

والوش كش من المعاني السوء

والغش فش من الحوارى الضيق

والصبر رش العيون بالعما

والكل صابه العما

والصدر آه بيضيق
والفقر حش الضهور مننا
والنحس نام ف البيت
والذل داس أرضنا
والبوم سكن لي الغيط
والحل إيه يا ناس
شباب ف داري نار
شاكى وباكى ليلاتي
يسمعني جار الجار
مجبور أنا أداري
عشان أصون داري
وأقوم أصلي
يصلني حكمك العادل
يمكن أزين هدمتي
يمكن أكون راجل

وأقوم أفش الهيافة
ف إلي عرف دندش
وأصلب جميع النواحل
مدام أخوه كرش
وأهش عش البلايل
وأنادي حدادي الليل
تسكن معايا العش
وغيري مين دا يهش
هاتوا شيوخ البلد
توصف لنا حكمة
عشان دموع الولد
بتبل ف الهدمة
حبة أمل تحدفه
علي بر مش خالي
خايب وسايب مكانه

باصص لفوق عالي
وبنت شيخ الطريقة
تظهر علي الفيديو
أخرتنا إيه يا ناس
أولنا كان راديو
ملعون لسان الخيابة
واللي يآمنله
يقعد في شمس الغيطان
ويقلي في قمله
معشوق عشق عشقته
أصل الولد خايب
منشور مع هدمته
علي جبل كان دايب
قلب الهوى سحنته
ضحكت عليه القراب

معشوق عروسة الجبل
بيحارب الترحال
راكب حصان الوجع
وسنين علي دا الحال
شله صدام العجر
شيله تقيل يا خال
يللي رماك الزعل
بين المداين رُد
رد الزعل ف العمل
بيشد حبل الود
خسارة أمل يا ناس
هي نهاية المطاف
ونلف لف الصبايا
بين العرايا لحاف
مقسوم تكون لقمتي

بين الغلابة حاف
مين فيكو شاف بلوتي
مين دا إللي حب وخاف
ساكن سرايا البلد
وإخواته في عشة
علي إية يكون العتب
مدامه خان عيشنا
مدام معاه العصايا
إللي عصاه يديله
مدام يهاود ويسكت
يقطعله في ديله
ينكش جحور الفيران
يردم سواقي النمل
ومن دقنه يفتله
لو يرقص يطبله

ويعد لحد المية
يخليه يصطاد ف المية
ولو معرفشي يصيد
ينزل وياه يعكرله
وخطري أقولك كلمة
مربوطة بسر الكون
لو معرفتش تضحك
خلاص الدنيا تهون
إيه يا دموع الولايا
أهو كنا مساكين
حالفين منرفعشي راية
وف الكلام ماسكين
تيجوا نزور السرايا
ولا البيوت الطين
الفرش أهو ولع

والصالة والإوضتين
رحت أشوف البرابر
ملقتش غير بيضتين
هي البيضة ف زما
مقسومة علي الولدين
آه يالاموني يالاموني يا لاموني
وحياة سيدي الديداموني
وولاد الحضرة والفتة
لألف معاها كام لفة
وأهي لقمة وأهي نومة
والهي تقوم القومة
مدام شيوخ البلد
فرشوا لنا دى الحكمة
عشان دموع الولد
بتبل ف الهدمة

علمني

يا أستاذي وملاذي
يا طربوشى وعكازي علمني
إزاي بتكون الكلمة ف طرف لساني وتهرب مني
مع إني مغني ودا فني
وبأرسم كل وشوش الناس ف العين والنني
وبأضحك ضحكة تهز شعورالليل تعدي
تشد الفقرا معاها وتجري لبكرة تغني
غنا يفرحهم ويفرحني
وأعرف أحسب كل كلامي قبل ما أقوله ويورطني
قبل ما يجرح خلق الله
قبل ما كل الناس تعاتبني
ولا عمري ف مرة قولت كلام
مُر غبي غشيم يهلكني
وأعرف أتكلم كلام هادي وجميل

كلام بلسم يشفي العليل
وبالى مرتاح وطويل
ورأى دائماً كان دليل
للعطشان والحيران
والمتألم والغضبان
الكل بيسمعني ويرتاح
وكلامي مخلوق للأفراح
وكل حياتي كلام متقي برقة وذوق
وأعرف أدوق
وأعد الشوق
وأحسب ف النسمة من تحت لفوق
وأعد المطر قبل ما ينزل على جبيني
لكني
ساعة م بأشوفك كل كلام الكون يهزمني
ويهرب مني علمني

إزاي بيموت المعنى ف بطن الشاعر قبل م يطلع

قبل م يوصل حتى القلب

قبل م يفرح

قبل م يوجع

قبل م كل الناس تسمع

وقول لي إيه فاضل منك ومني

يبقى هدية لإبنك وإبني

علمني يا شاعر كيف المشاعر

وى الأحباب وى الأعراب

أصل أناساي معرفشي إزاي

عايش كداب وبقيت نصاب

وإنت الحساس وياك إخلاص

علمني إزاي بتشوف الناس

وإزاي بتحب الناس تركبنا

تحطم آمالنا تشل ركبنا

وتسحب حتى بساط الخير من تحت خيولنا
وتحت رُكابنا
وتعلم أولادنا تكره وطننا
وتسلفنا وتديننا وتكسرنا
وتفرض كل كلامها علينا وتحتل بلدنا
غصبن عني علمني
إزاي الضيف إن بات يتكشف السر
وإن عدا وفات بيموت الشر
وإزاي أكرم ضيفي من غير شر
وأقفل بابي عليا وأجتر
ريحني ورسيني وعديني لبر
دا البير خاين
بيبيع المية بالقنطار
لناس غرقانة مع التيار
ناس سكرانة ليل ونهار

ناس كدابة ناس أشرار
تدبح ديك الفجر الصاحي
وتهرس عضمه علي الانياب
وتأكل لحمه الحامي والبارد
وتيجي تناملي على الاعتاب
ناس بتكسر ف الأبواب
وتغلي علينا اللقمة تملي
وبماء الوجه ف سهرة تحلي
وتبيع أيامنا ف ضحكة يا لللي
قطن خام بترول خام رمل خام
كل شيء فى بلدنا خام
بكام مليم وكام
ومش عارفين تصنعوه يا عمى
يا همى عليك وعلينا يا همى
علمني

خد العذاري دبل
والحُمرة مش طبيعية
هو الحمار يا إخوانا
ح يبجي م الطعمية
وإزاي يشد الحيل
إللي بيلحس مش
زي المباني الجاهزة
ف ثانية المبني يهش
م هو مبني عُش ف عُش
وأدينا قاعدين
حامدين شاكرين الرب
مع إن القلب
إبتدا يتسرب منه النبض
ويسقط مع شلال التوهة النازف جوة وبرة القلب
يعضك عض

الجيب الفاضي فيه قرشين
واحد مخروم والتاني ممسوح
والتالت ممنوع م الصرف
والظرف الحالي ندهلي وقاله
جاك داهية تزفك زف
زفة مهفوف
زفة مهموم
زفة فاشل
زفة معدوم العقل
وعقلي عشانك مخاصمني
سابنى وتاه قرفان مني
يا عاقل يا عقلانى
علمني
ورد الجنابن عطش
وبعت لي كوز فاضي

باين عليه إتلتش
وفاكرني أنا القاضي
بيقولي إملى يا خلي
وإلا إنت مش راضي
يهون عليك يا تبوت
ورد الجنان يموت
دول المنابع بنت ف حياتنا سدود
والطريق مسدود
صهينة ويهود
والنمل طلعه سنان
والكلب قام
والسبع نام
وبرج الحمام إتقفل
ولاعدشي فيه وارد
وقفت غيلان الغفل

تشنق لنا الوافد
والجرح صار قاسي
والذنب عدائي وغطائي
والليل مضلم عليا
والكلبة عضائي ومصائي
وأنا نفسي قبل ما أموت
أكل يا ناس ضائي
ولا مكتوب عليا القشف
يسكنني ف لساني ويألمني
علمني
وإرقيني وحصني
أصل الرشوش خلص
والخضة لساها بتنهش ف حسي
وأنا نفسي
ف يوم متهني

سبع سبوع الولد ونبوس

والداية عايزة فلوس

وتدوس

على خد حساده دوا ولبوس

فراخ وبط ووز

والأم رافضة تهز

ولا حتى شربة مية

ولا حتى طبخة رز

وباقى الولاد تاهووا

ولد شيال والتانى نشال

والتالت صرماتي

والبت بتبيع فل

ف الإشارة وف الممر

لاهدمة جديدة

ولا لقمة مفيدة

ونومة حقيرة
ع المخدة والحصيرة
ف حوش حقير
ف ترب الغفير
والحمام طوابير
لا سكن ولا عنوان ولا أحلام
والحال ما يسر
وحياتنا مُر ف مُر
مع ناس نسايا لناسها
ويبيعوا أعضانا ف أول ورشة
كل شيء ف بلدنا صفقة
ومنين أجيب للداية
والأم نسياية
وبتنسى وتولد
وأنا إللي الدهر دهولني

علي ضهري وحملني
علمني
صبح العلام غالي
وعالي النخل ما يطلعه
إلا إلهي كان عالي
يا أبويا إبي عليا
وفيا إزرع الأحزان
وإدعي معايا إلهي يخلصني من دا لسان
إلهي جالبلي المتاعب
وشابب تقولشي عود خرزان
ومش عايز يسكت على ظالم
بيظلم يوم إنسان
ينطق مني غصبن عنى
وممكن يدخني اللمان
وبرضوا بأقول الحق

ولو شفت العذاب ألوان
يا أبويا ليه علمتي م أكنشي جبان
علمتي أحافظ على بيتي
وأقف على غيطي ددبان
وأحرس بلادي من الغجر
وأفدي ترابها بدمي
لكني
ف علامك زاد همي
لقتني واقف لوحدي
والكل خاصمني
يا أبويا ليه سبتني للايام تعلمني
وأديني بعدك بأطلب علام
ومن غيرك يعلمني
علمني

نشرت بجريد الناس 1995

نشرت بمجلة الثقافة الجديدة العدد 79 / 1995

إيه يا أمي إلهي جرا

إيه يا أمي إلهي جرا
وخذانا لية ف المشورا
لحظة واحدة للأمام
وسنين كتير نرجع ورا
وكل م نقرب نفوق
بتغطينا ف الضنا
متعودناش منك كده
كنتي دايماً حزن دافي يضمننا
كنتي زاد كنتي مية
كنتي أبونا وأمنا
كنتي شمسة كنتي ضلة
كنتي برضو حبنا
كنتي هوانا كنتي روحنا
كنتي جوة قلبنا

وعمري يا أمه م قولت جعان
ومعاعي نوبي
ياملضمالي الهنا ألوان
يا مخيطى توبي
وعمري يا أمه م قولت الآه
وانتي هنا ف ريحي
يا أم الليالي هنا
يا أم الغنا تفاريحي
مدي إيدك تاني يا أمة
وإمسحي دمة عنية
دي الليالي الحلوة إنتي
وانتي أجمل حاجة فيا
آه يا غسل لما وصل
منك الوصل الجميل إلي حصل
وتعدي فينا واحد ف واحد لسة واحد

مين دا إللي غايب عننا

لية تحرمينا بعضنا

ياسلام يا حزن الأم يللي كان غرامك يوم هدف

ياسلام يا حزن الأم يللي كان غرامك أحلى من مليون هدف

وتلمي كف الدنيا مية وردة بيضة معطرة

أشرب أنا وأروي عطش الجيل بحاله

وبجماله أدور ألون ف الهوى

وإحنا سوى هو دا كل الهنا

لازمتها إيه البعتر إزاي نكون إحنا ورا

إياكي فاكرة تقديري

من غيرنا تبقي وتقديري

إحنا برضوا ولاد زمان

مهما جوعنا المكان

مهما عرانا الهوان

إسود بتحدف عنفوان

أولادي يسقوكي الحنان
هم إلی فرشوا المنصرة
رجالة جد مش منطرة
لوم كانشي الواد جسور
لوم دسشي ع الجسور
كنتي فين ح تشوفي نور
وأدى البدور متعفرة
حتى الليالي مكدرة
إزاي نضيع وي السكات
وإلي فات
مش ماضي يرفع راسنا فوق
إزاي يكون ف رقابنا طوق
وتدخلينا كتير شقوق
وتوهي بعدينا ف حروق
وتنادي تاني بكل شوق

نطلع نشوق
نطلع علي صوت البروق
نحضن مراسيكي
وفيكي سنين دمار
نزريح ستار الضلمة عنك
آه ومنك نشيل معاني الانكسار
وتحلفينا بالانتصار
إوعوا تسيبوا السيل يشقق ف الجدار
ونخلصك ونشطفك ونسرحك
ونوصلك بإيدينا باب المدرسة
تتعلمي تتقدمي تبقي فنارة للعمار
تبقي مراكز الإفتخار
من غير م نأخذ أوسمة
عدينا بيكي للسما
حتى السمة متقسمة

م بينا إحنا والسنا
كان لينا إحنا معبرة
وعملنا منا مقبرة
للى يحاول يخطفك
أو يجرفك أو يحدفك
بدبشة واحدة يتعمى
أصل العمى
مخلوق لكل إالى نemy
جسمه حرام من غير تمن
من غير عرق
يلحق ما يلحق
يبقى مصيره مجزرة
ولحبايبك مضيقة
وبعد ما تبقي هرم
بتطوحينا للعدم
ما يتهرم
آه ياندم

لما كفاحنا يدور علينا
وف وسط وسط الخلق نبقى معيرا
إزاي نكون إحنا ورا
ياسلام يا أمي لو نزم الصبينة ونقدر نهم
لمي فينا يا أمي لم
يكفيكي عار
يكفيكي دم
يكفيكي شر النار م تحرق ف الغيطان
يكفيكي شر الدود م يسرح ع البيبان
يكفيكي شر اللون م يدبل ع العيدان
وتخشي خش الليل ف شارع مننا
والضلمة تدخل حيننا
والخطوة تهرب من قَدَم
عاش من قِدم
يعزف معاكي أحلى لحن من النغم

إلى خدم
فيكي المعاني وخلي إسمك
أيوة إسمك عمره ما يعرف ندم
آه يا ندم
لما تجوع العيلة مني
ويبقى همي
أدور أخطب ع البيبان
أشحت حنان
ف آخر زمان
زمن الغيلان
نفسى أعرش ع الحيطان
نفسى أهتف بالحنان
وأقول دي مصرمنورة
إيه يا مصر إلى جرا

نشرت بكتاب المهرجان الدولي للثقافة والفنون بالفيوم 2018

الشكوى

الشكوى لغير الله مذلة

وذلة

إنك تعري كل إلهي ستره الإله برة

ومرة

دموع الرجال مرة

أصل الرجولة عزة

بس الرجولة الحرة

وإياك تعاشر كل من كان ف الديار عرة

والله م يساوي راس فجلة

دا الرجل إن دارت عارت وصبحت ف قولنا وقال

وإن هدت عدت ودت وصار ينبعت وراها مرسال

والسؤال هو السؤال

مين الجدع ياجدع لوجدع جاوب

شايب و بنت و ولد

ممين راح يكون السند
وممين إلهي زاد ف العدد
وممين كماله عدد
وممين يعلي ويبني
وممين شغلته الهدد
إلهي ولد وإلا الولد
مدد يا سيدنا مدد
فرد
طوله بطول النومه فرش وغطا
جيب يا عطا الله عطا
وم قالشي تأخذ كل الغطا
وأتعري أنا
إوعاك تقول دا شكى
وإلا حكى علة
دى الشكوى لغير الله مذلة

درة الكلمة الحرة
لو مرة تخرج ف المناسب
إللي يناسب دي المكاسب
ولا مصايب ولا عتب
ولو يطول عمرك تشوف العجب
دهب قلب الرضيع دهب
فارش طريق النسب
ملاح عتب
أصل العتب من دي المحبة
يا دبة قتلتني صاحب العزة
آلم وأنين
هو ده طبع السنين
توهة ووجع
ولو ضجع يستنى دوره
تقف اللقمة ف زوره

ولا يحيى له نوم
 وإن كان مفتوح تفخنته عين
 ولو رجع ثاني ف كلامه
 راح تعدوا آلامه
 ولو ناموا
 مين راح يشوف ف منامه
 بكرة إللي جي
 يملانا ضي
 والسؤال هو السؤال
 مين الجدع ياجدع
 لو جدع جاوب
 هو بكرة صحيح جي
 يملانا ضي
 ولا جي
 يزيد ف الوجع المأصل فينا من زمان
 والشابة مالية الطبق حنضل بتأكل ف الولاد
 وإللي زاد عطل
 وإللي عطل زاد
 أصل المراد

تطلع المعدة برة تفتش عن الزاد

حلو ومر

عشان يعدي العمر

وإحنا لسة ف الفانوس

ف زيف النفوس

والخروج من عنق الزجاجاة

والعفريت محبوس

بيكز ويدوس

علي إسنانه وعلى الضروس

ياهل ترا لوطلع يأخذ بتاره

حتى من جاره

لكنه ف حلم الخروج

أخذ على الشكوى المرة

عشان دا راجل عرة

والشكوى لغير الله مذلة

أستحلفك

بالود القديم والنديم
وأحمد عرابي وسعد باشا والوفد الحبيب
والشيخ والقس والهلال والصليب
وكل جيل
فداكي جيل
يروح يشيل
يرجع يشيل
ما يوم يمل أو يوم يميل
لجلن يصونك لما لونك
يتخطف أو يتحدف بين الورود الدبلانين
أو يهينك أي خائن أو عميل
يكون لك ألفين نديم
حني عاد هدي الولاد
وكفاية عاد أيام بعاد

أستحلفكِ بالأسود الحارسة لحدودك
رجالة واقفة ف حرك وف برودك
والرجال الحرة والقلب الحنون
والليالي المرة وبدمع العيون
والبذور الساطعة ف سماكي من دم الشهيد
والسجل المطوي من نكسة زمان
وبالعدوان
والسواقي النايحة فيكي
من يوم الانكسار وبالعمار
والجنين الجاي من رحم الآنين
للعمر الطويل والههم الثقيل
وبكل عيد معاكي عيد ينقص يزيد
جوانا ليكي كام ألف عيد
حني عاد هدي الولاد
وكفاية عاد أيام بعاد

أستحلفك بالأمانى إلی جاببها بايدي من عضم المحال
والليالي إلی عصرني الشوق عليها ومنشرنى علي المنوال
لجل أغزل لك توبك لاخضر وأحقق لك كل الآمال
وأشردني ف كل بلاد الدنيا الواسعة وأعودني علي الترحال
وألفني ف كل مينا لجل أجيب أكل العيال
وأرجع وخيرالكون ف إيدية
بطنية ومروحة وكام شوال
وتقابليني بوش ضاحك وغنوة حلوة وكام موال
وأحكلك ع الزنود السمرة فوق كل المطاحن
وإلي طاحن عضمه في دول الخليج
راجل شديد
عملوا ولادك عبيد
وباعوا بناتك بتوب جديد
حني عاد هدي الولاد
وكفاية عاد أيام بعاد

أستحلفك باللي وإللي يल्ली
يللى الجمال طرز أراضيكى بخضار القمح الذهبى
يا وعدي عليكى يا أرضى
وأنا بأروى وأقنى
وفاسى ف بطن الأرض تغنى
وتطرح قمحى وقطنى ورزى
وأشبك لإبنى وأجوز بنتى وأحمد ربى
وإنتى يا غالية تشكرى زندى
تقومى تهمنى معاىا تضمى تلمى ف قمحى
خطوة ف خطوة بس تعدى
خلى قلبك يوم على قلبى
مهما تكون الريح مجنونة
إسندى رجلي وإفتلى حبلى
وإربطى وسطى وإقفى ف طهرى
وحنى عاد هدى الولاد

أستحلفك بالنبات الطارح فوق جسر الخجل
والنبات البكر الداية مع السنين طالبين عدل
إللي فات من عمرها أكثر التلاتين من قلة العدل
مزروعة ف البيت زى البصل
والراجل هو الحياة هو السند والزاد
هو إللي ينفع ف الكبر هو السؤال هو الوداد
وأ هو ضل راجل ولا ضل حيظ
حتى لو راجل عبيط
والعريس تايه تعيس
بالليل بيحلم بالونيس
والزيت خلص من الفوانيس
والهدمة دابت من زحمة الأتوبيس
وإمتي ح تفرح يا حزين
حني عاد هدي الولاد
وكفاية عاد أيام بعاد

أستحلفك وأعرفك

العمالة زائدة وفايضة وساكتة ف ديوانك

والبطالة هايجة وسارحة وقاعدة ونايمة ف ميدانك

والصحاري فاضية وواسعة وشاسعة وناسية لأدانك

إدينا أرض بدون روتين

بدون ضرايب بدون سداد

فرصة واحدة بدون عيون

تحسد وتقلع في الجذور

شوفي مين ه يكون أمين

يقدر يصون أرض الجدود

يزرعها حنة وتبقى جنة

وإن خيرها عاد ع الكل عاد

حني عاد هدي الولاد

وكفاية عاد أيام بعاد

أستحلفك

يا كدابة

هات الخشب وولع

ويلا ياعمي إدفا

وإكمش كدة م السقعة

أصل العشا مش كفا

وهات تعريفة مخرومة

ويلا هدنلعب رفا

يلا ملك وكتابة

يا كدابة

نولينى القلة

وشيلي الصدام الحلة

فكي النحس شوية

أرجوكي إديني هوية

أمشي بيها ف الشارع

أصل الحملة قوية

وأنا نفسي عزيزة شوية
شرقاوي من الشرقية
معروف عنى الحنية
واخد ع الشالية وناها
وأحب الشاي ف الولعة
وأشرب كرسي معسل
وأطير ف الدخانة
يا غلبانة يا تعبانة يا كسلانة يا همدانة
يا قاعدة ف صالة بيتكوا من غير ولعة
تباتي كدة ف السقعة
يا دي الفقعة
من دي الوقعة
تلاقي الأوضة باردة وواسعة
والشتا ف بلدنا رهيب
تقولشي ف ترعة

فوقي يا قرعة
شعرك دائماً زاین غيرك
يا نحيلة وغيرك واكل طيرك
قولي لابوكي يقوم يدفا
مون عربيتك يلا
وغير زيت وإتهنى
ورص الكرسي الثاني
وشد ف آخر شدة
وإغسل كل العدة
ولما توفي العدة
الست هـ تلبس فضة
وتنسى تقوم تتوضى
وتنسى صلاة العيد
وصاحبنا إندار ع القبلة
ويخش عريس الغفلة

والواد ف اليوم الثاني
وإبتدا يشتاق للدخلة
وما عدشي يهم ننام
والعام يجي بعد العام
ومدام ف البيت الولعة
يحللنا معاها القاعدة
وننسا حروف كلمتنا
وسهلة لكل فيران الدنيا
يخشوا يعيشوا ف بيتنا
ويناموا معانا ف غيطنا
ويكلوا زوروعنا ويدوسوا كلمتنا
يا كتاب مكتوب بحروف الجهل
إزاي ه تفيد الناس
إزاي ه يكون ف حروفك ماس
وجواهر تتباس

وإزاي من غيرالكلمة الواعية

هـ نفهم معنا

مين يحرمننا

ومين يوجعنا

ومين يهدينا

ومين ينفعنا

يا مادنه عليكي أدان العلم جمعنا

وندانا وقربنا

ومين بَعَدنا و فرقنا

وبيضرب جمل الصبر الصابر تحت علمنا

يا صخورالحكمة البايطة التافهة الخايفة

حالكم يشهد علي أحوالكم

مين غيركم وحوالكم

وخلال النخوة تفوت أطباعكم

مين بالخنفسة طبعكم

كانت الجدة زمان تحكي لنا
رجالة حافظة عهدها
عن رجالة عارفة واجبها
وإحنا أكيد صدقنا مثلها
إن النار خلفتها رماد
يللي ف طبعك نوم للضهر
قوم إتوضى وصلي الفجر
وإدعي إله العرش يغير طبع إخوانك
قوم وإلحق لم حجاتك
فاتك
قطر الصبح أهو فاتك
وغيرك خد مكاتك
والرزق إتوزع من بدري
من غير يا خفيف حتى ما تدري
وإحترنا معاك يا أهبل يا ابن الهبلة

إنت الاقرع
وإلى أمك هي القرعة
إنت الخايب والكسلان
وإلى أمك هي الخايبة
وعلي بال م تقوم من نومك
يفوت ليك ويومك
ورزقك ياخده غيرك
وعمرك كله ليلك
ويدوب تلحق تتعشا
أو تتمشكح أو تتمشى
وتلم الخشب الباقي
وتقعد تانى تولع
وتكمش تانى م السقعة
أصل العشا مش كفى

بأغني

بأغني برغم إنكسار الوتر
ورغم الأمانى إلی راحت بلاش
وحبي إلی ولی وفرحي إلی باش
وإبني إلی راح لك يحارب م جاش
ودمع الحبايب عليه م إنتهاش
وأمه بتبكي بشوق م إرتواش
وقلبي على إبني داب وإنفطر
بأغني لأنك ف ضلك نميت
وشمسك تغني على كل حيظ
ف سرحة وزرعة وقلعة ف غيظ
ف لقمة صغيرة ف قلة ف بيت
ف نومة حصيرة وتوتة ياريت
ورغم إني بأشحت يا غالية الكبر
بأغني برغم إنكسار الوتر

بأغني ف نسمة عساري تهفهف
بتأخذ شراعي ف هواها يرفرف
وتفرد شباك الأمانى وتحذف
طيورالنوارس بتملى وتغرف
بأغني وإسمك عشانه بجدف
ولما تعدي بتنسى النفر

بأغني برغم إنكسار الوتر

بأغني لنيلك وخضرة ربيعك
ولو غبت عنك بسرعة أجي لك
أبوس الأيادي وأعشق عيونك
لأنك يا غالية أصيلة ف طبعك
ومعرفش إيه إللى غير عوايدك
وأصباحتي قاسية وكلك حفر

بأغني برغم إنكسار الوتر

بأغني ف سهرة ف ضى القمر
ف بسمة وضحكة ولادي الصغار
ف لمحة ومشية ولعبة وهزار
بأغني ولكن همومي كتار
وصبري بينفد ونفسي في عمار
وأظن إنتي عارفة بأني بشر
بأغني برغم إنكسار الوتر
بأغني وبأزرع ف روعي الأمل
وبأكتب عشائك نشيد العمل
ودمي وروحي حلالك بلالك
وزندي إلی عانك وميل وشالك
وإمتی تحسي بأني بطل
ورغم إنحصاري ف سجن الحذر
بأغني برغم إنكسار الوتر

بأغني ودمعي ف عيوني خجول
وقلبي عليكى دائماً صبور
وواهب وجودي وواقف طبور
ودائماً بتنسى دموعي السيول
وترمي حياتي ف إشارات مرور
ورغم إنى شفت ف عنادك عبر

بأغني برغم إنكسار الوتر

بأغني لتاريخي وأصلي وجدودي
وأكسّر برودي وصمتي وجمودي
وأعدل ف طهري وأصلب ف عودي
وأربي ولادي وأوفي وعودي
وإمتى يا مصر الحضارة تعودى
وتشوفي تانى ضى القمر

بأغني برغم إنكسار الوتر

يريد ربك

يريد ربك أكون ابنك
ويحرمني الضنا منك
ويبعدني الشقى عنك
يريد ربك أموت جنبك
واشوف ابني بقي قدك
ومين قدك ومين زيك
يريد ربك
تكوني يا حلوة موالي
بصوت عالي
أنادي الآه
ألاقي الدمعة تهنالي
وأعيش عاجز
وأنا ف دمك وأنا الغالي
يريد ربك

يريد ربكِ أشوف الضحكة منسية
يا جنية ومحمية
بسحر الناي ونار خدك
يا رشفة خمرنا المنسي
علي دربك أتوه وامشي
ويوم يا أمي متعشي
يصحى الغرب مينامشي
لأنه إبنكِ إتهني
ونامله مرة متعشي

يريد ربكِ أفتحكِ ببيان خيري
وأدبلكِ ديوك طيري
وأعيش محروم أنا وإبني
ومن خيري ومن طيري
وبعتي اللقمة يا غالية
لمين غيري يريد ربكِ

نشرت بجريدة الخبر - نوفمبر 1995 م

يا مولاتي

أنا كارهك يا مولاتي

ف أناتي وملهاتي

ضلام ليك يخليني

أفوت الحب في عيونك

أخون لونك أبيع يومك

يكرهني ف طموحاتي

أنا كارهك يا مولاتي

أنا كارهك كاره نفسي

كاره يومي كاره أمسي

كرهتك يوم م جيت فيكي

وشفت الناس تراضيك

وشفت الإبن بيعافر عشان يوصل ف يوم ليكي

وهو بحبه يندهلك وإنتي الكره ف عنيك

أنا كارهك يا مولاتي

هـ تفوت هـ تموت

هـ تفوت هـ تموت

إرضى بنصيبك عيش ف سكوت

وكفاية عليك أحلام الصبر في شجرة توت

إياك تسمع أو تتكلم

راح ياكلك حوت

عاوز تغرق

إغرق وحدك

إنت و ذنبك

إياك فاكر إن وجودك مربوط بحدود

أنا هـ أسمح لك

إنك تحيا لكن بشروط

تسمع مني

يا جاهل فني فنون الصعلوك

اللين والحيلة

وسيلة جميلة ف أولها
إللي متعرفشي تدوس أنفة
بوس علي يده
وإستني عليه
تظهر بلاويه تعرف حده
واضربه بإيديه
ضربه سليمة تقسم وسطه
يخلالك الجو وتودك تورث منه
أقرص وإلبد
زي الدبور ممنوع من الصوت
تبقي ف نظرنا
يا زعمنا ناصح وأمين
عاوز تضرب
اضرب بالناي مش بالنبوت
هـ تفوت هـ تموت

كسرتيني

كسرتي الشئ الحلو الباقي جوة ف عيني
حتى شعاع الحب النابع من تكويني
حتى التمثال الفضي المطلي بمية حبي
إلي نحته بايدي وعنته ف نفسي
كسرتيه وشطبتيه من دايرة قلبي

من غير رحمة

من غير شفقة

من غير عطفة

ع إلي هواكي

وإلي هواكي

عايش جواه

من غير حتى ما تعزيني

كسرتيه

وكسرتيني

كسرتي الكلمة الحلوة الدايبية
النائمة ف ليل أحلامي
إللي أنا نايم صاحي معاها
ونفسى أقولها
حتى الشمعة الواحدة
العائشة ف نور أحلامي
إللي أنا وحدي عشت في نورها
وبتدوبني وأدوبها
ومن معجوني ومن معجونها
بتكبرني وأكبرها
وتزوقني وأزوقها
وقولت أقضي العمر ف نورها
وف عز ما كان النور يهديني
بتطفيها وبتطفيني
كسذرتيها

وكسرتيني
كسرتي معاني الود الغالي
إللي أنا بارتاح له
حتى الحلم الوردي الشيك
إللي أنا محتاج له
لما هموم الناس بتأخذني
أروح أهرب له
كان يديني آمال ف اليوم الجاي
كان يزرع لي صحاري الكون بساتيني
ويطيرني معاها
وألف وراها سنيني
زي فراشة نور بترفرف ع الأغصان
وف عز ما كان الطير يغويها
كان يغويني
بتصحيحها وبتصحيني

كسرتيها
وكسرتيني
كسرتي سنين العمر وجرديته من نسمة صيف
أصبحتي ملامح شئ ف الضلمة مخيف
شئ وصفه سخيف
مقدرشي أضيف
غير إني ف بعدك ببقى عفيف
والعفة دي ديني
قوم يا عافها دافع عنها لو كان فاضل فيها عفاف
شدني جرنى من بين لاكتاف
خدني ووريني مكان عفتها
إلى أنا شفتها بالليل تنداس
من كل الناس من أي الناس
كنت بأكذب كل كلام العالم عنك
كنت بأقول دي الغيرة كلتهم بس ومنك

لحد ما شفت وشفت بعيني

حتى العفة

كسرتها وكسرتيني

لحظة حب

كل يوم فرش طريق بيتكوا خطاوي شوق ولهفة

والنسيم إللي عارفني يقول لي إهدى

و لمّ شوقك جوة قلبك

يت رسم ف الوش ضحكة

أصل يلمحنا عزول

والعوازل لسة صاحبة

وإدعي ربك

قول يارب ألقاها واقفة

تبتسم لي بسمه الزهرة الجميلة

إللي حاضنة الشوق بخفة

عارفة إمتي البحر يضحك

إنتي عارفة
لما بتكوني يا عمري
جنب شجر الحب واقفة

هي لحظة نص لحظة
ألمح عينيكى وإلى مدارى ف هواهم موج عنيف
يشيلنى أحس إنى خفيف
وأطير وأطير وأحضن سحابات الأثير
زي أحلام العزارى ف يوم لطيف
زي فراشات الورود وهى هاربة م الخريف
تأخذنى رمشة وي غمزة وي همسة حب منك
وأتوه سنينى ف عد رمشك
يأخذنى سحر الليل ف شعرك
وأجدله يمكن يوصلنى لطريق
وأخذ الطريق من أوله

وأحمل له أجمل عبارات الغرام
وأفرشهم ف طريق بيتكوا خطاوي شوق ولهفة
عارفة إمتى البحر يضحك إنتي عارفة
لما بتكوني يا عمري
جنب شجر الحب واقفة
ياسلام لوتظهري أوتخطري أو تضحكي
وبيان لي سنك
زي أضواء المدينة جوة أحلام الشباب
وأتوه ف شارع فيه ضباب
وأنسى لحُيظتات الغياب
وأحس إني مخلوق جديد
مخلوق سعيد جاي من بعيد
نفسه ف بسمه م الشفايف واللفايف والفرولة والكريز
وإلي أحسن من ده كله لو الأمسهم ف ضمة
وأرتشف م الحب رشفة

تأخذني رجفة وي رعشة وي سكرة
ويبقى يومي يوم بديع
أنا وإنتي ف المرايا ف ليل ربيع
عارفة إمتى البحر يضحك إنتي عارفة
لما بتكوني يا عمري
جنب شجر الحب واقفة
ياااااه هي لحظة حب واحدة تملئ كل الكون حنان
والبنفسج يرتوي من عبيرك يا زمان
والليالي الحلوة تبتدي وتنتهي على صوت الكمان
والزهورات الجميلة تترسم وتبتسم ف كل مكان
ياااااه كل ده مخبي ف ثواني الشوق ياه
وألف أه ع الهوا إلي راح وكان هو الحياه
وع الدموع إلي باتت ف العيون
البسمة إلي تاهت م الشفاه
وكل إلي كان بينا وتاه

وإلى فاضل منه آه
عائشة جوايا سنين
قولت أوزعها بحنين
وأفرشها ف طريق بيتكوا خطاوي شوق ولهفة
عارفة إمتى البحر يضحك إنتي عارفة
لما بتكوني يا عمري
جنب شجر الحب واقفة

الشاعر فى سطور



رمضان فؤاد السعيد وفا

مواليد : 1966/12/23

قرية الديقامون مركزفاقوس محافظة

الشرقية جمهورية مصرالعربية

يعمل بالتربية والتعليم

عضو اتحاد كتاب مصر

تم نشرالعديد من أعماله فى الجرائد

والمجلات المصرية والعربية والتلفزيون

وتم تسجيل بعض اللقاءات التلفزيونية

صدر للشاعر:

علي درب النسيان شعر فصحي
1986 طبعة اولى 1987 طبعة ثانية 1988 طبعة ثالثة

أين الحب شعر فصحي
1989 طبعة اولى 1990 طبعة ثانية 1991 طبعة ثالثة

قطر المحبة مسرح غنائي
1990 صبعة اولى 1991 طبعة ثانية 1992 طبعة ثالثة

وتم عرضها على مسرح العرائس
عيادة الغلابة مسرح تراجيدي

1995 طبعة أولى 1996 طبعة ثانية 1997 طبعة ثالثة 1998 طبعة رابعة
وتم عرضها بالعراق 1998

سجين النصر مسرح تراجيدي

1993 طبعة أولى 1994 طبعة ثانية 1995 طبعة ثالثة 2007 طبعة رابعة
وتم عرضها على مسرح ثقافة فاقوس شرقية تمثيل وإخراج / سامح سمير
كتب أشعار وأغاني مسرحيات

الفيل يا ملك الزمان / تأليف / سعد الله ونوس / إعداد / أيمن الحمصاني
وتم عرضها على مسرح ثقافة فاقوس شرقية 1992

طَبْ لِيه / تأليف محمد شمردل / إخراج / طارق مرغني

وتم عرضها على مسرح ثقافة فاقوس شرقية 1993

من فوق حصان الوجة أشعار بالعامية المصرية

1999 طبعة أولى 2000 طبعة ثانية 2001 طبعة ثالثة 2007 طبعة رابعة

كان نفسي أكون أشعار بالعامية المصرية

2002 طبعة أولى 2003 طبعة ثانية 2004 طبعة ثالثة 2007 طبعة رابعة

ألوان من البشر مسرح غنائى مجمع لكل المسرحيات التي طبعت
وعرضت

2005 طبعة أولى 2006 طبعة ثانية 2007 طبعة ثالثة

دموع الفرح أشعار بالعامية المصرية 2019 صدر عن اتحاد كتاب

مصر

ضاع الأمان أشعار بالعامية المصرية 2019 ملحمة شبه شعرية

كده خلاص أشعار بالعامية المصرية 2019

محتوى الكتاب

2	بطاقة الكتاب
3	مش كل شيء يتقال
4	اعتراف
5	مال الناس
6	الرجولة
7	شوفوا معايا
8	مشكلتى
9	وهم وخوف
10	كان نفسى أكون
21	بجبك
33	من فوق حصان الوجع
41	علمنى
54	إيه يا أمى اللى جرا
62	الشكوى
67	استحلفك
73	ياكدايه
80	بأغنى
84	يريد ربك
86	يامولاتى
87	ه تفوت ه تفوت
89	كسرتينى
98	الشاعر فى سطور

